

Dibsho ni Inpaspasing nonta ira Apostol (ACTS)
Lessons Para iren Anak
LESSON 4

Bible Story: Inpamapteng nen Peter sota epilay shi tolong nen Apo Jesus

Scripture: Acts 3

Learning Goal: Amtaen ni anak jen si Apo Jesus ket waray panakabalin Ton mengekhas ni sakit.

Learning Activity: Before the lesson, ask students for prayer requests and ask them about the ones they have given you in the past. If they share an answer to prayer, "My grandmother's eyes are not hurting her anymore. (Use this opportunity to say that God is powerful and He has answered our prayers.) In our prayer time together let's make sure to thank Him for healing your grandmother's eyes."

Review Questions:

1. Sipa sota apostol ja engitortoro ni Esel Apo Shiyos so nonta ira totoo ? Si Peter
2. Nganto sota intoro nen Peter so nonta ira totoo? Sota Mapteng nga Shamag.
3. Sipa sota inkowan nen Peter ja engikowan shi Old Testament maypangkhep ni inpan-ongal nen Jesus? Si ari David.
4. Sipa sota inkowan nen Peter jen engipaidansa son Jesus? Sota ira Hodiyo
5. Nganto sota binigbig nonta ira totoo nonta intenengan shay inkowan nen Peter ja si-kharay engipaidansa son Jesus? Nabigbig shen nanbasol ira son Jesus ono son Apo Shiyos.
6. Nganto sota inkowan nen Peter ja kasapolan shen dag-en? Manbebawi ira tan manpabonjag ira say mepakawan i basbasol sha.
7. Piga sota naysalakan nontan met lang ja akhew? 3,000 jen totoo.
8. Nganto sota dingdingkha nonta ira badon emati nontan? Mantetneng nonta toro ira ni apostol, manfellowship, man-Lord's Supper, mankararag, mansilbi tan ira kaontolong shi eshom tan ira manshejaw son Apo Shiyos.
9. Wara i engibingayan jo ni mapteng nga shamag?

Bible Lesson: Naagasan sota epilay shi ngaran nen Jesus.

(Give Bibles to students who need one. Having a Bible each week is very important. It is important for students to be able to read the passage along with you and see that you are not making up what they hear. God's Word is powerful and what the student may not hear you say as you teach the lesson, they may hear loud and clear from reading for themselves the Word of God.)

A. Introduction:

No ondaw kayo shi Baguio, wara iray mankankansiyon shi kilig ni overpass ja waray sha kaeg-egniin tadoan ni pilak. Ngantoy ngata ja sajay i sha kedagdag-a, ira eman-sesseskhed ni totoo ja ondabas ja mengikan ni pilak? Owen ta eg ira makaasas tan eg ira makaobda.

B. Sota kasaad nonta toon epilay. (Basaen tayoy Acts 3:1,2)

Waray toon nay-anak ka epilay isonga eg makaakad ja ab-abos to. Manipod ni kaotik to ingkhato nonta bimagdeg, kasapolan na waray mandi-bit son si-khato no idaw sha nodta dogad ja panpalpalimosan to. Agsipod ta epilay, eg makaobda isonga manpalpalimos si-khato jet sha kaitoltolod ni olay nodta sangoan ni Timplo ja emankekkekshaw ni pilak. Sajay ya too ja ekapoy, kakaasi i kasasaad to ta eg to kaya ja ondayat ni abos to.

Inges niman met lang i kasasaad to shi sangoan nen Apo Shiyos. Ayshiy medekha to say maysedakan si-khato shi shosa ni basol ta si-khato ket managbasol ja inges tayo, jet meshosa khabol ni basol to. Nem sipa bengat i mengisalakan son si-khato shi shosa ni basol to? Si Apo Jesus - khabol ni inkatey To shi koros.

C. Nangshaw ni tolong son Peter tan son John (Basaen tayoy Acts 3:3-5)

Idi mantotongaw iya epilay nodta sango ni Timplo, inon-an to si Peter tan si John na disipolo nen Apo Jesus ja ondaw wa en mankararag shi Timplo jet emangshaw ni pilak son si-khara. Nem kowan nen Peter ey asas mo kami. Jet insi-ning nonta epilay ta kowan to emo nem waray i-akan sha son si-khaton pilak. Nem kowan pay nen Peter ey, ayshi i pilak mi nem waray itolong mi son si-kham ja medepo son nen Jesus Cristo.

Ayshi i kaya niya epilay ja metodongan i bakdang to say maekhesan, esololok ja forty ja tawen na epilay. Shi sajay ya kasesaad to, wara i sakey ya kasapolan ton pasiya say makaakad.

D. Nan-akad sota epilay shi panakabalin nen Apo Jesus. (Basaen tayoy verse 6)

Inkowan nen Peter son si-khato ey, shi ngaran nen Jesus pan-akad ka! Jet si Peter, shinevat to ja inpalejat. Jet nontan met lang nga oras nanka-akad sota epilay, kimedasang sota pokel ni sedi to et mimapteng. Inkowan to shiya Biblia ey “imabtok jet nan-akad”. Sipa i nan-agas son si-khato? Edapo so nen Apo Jesus sota panakabalin nen Peter ja nanpamapteng so niyay ya epilay. Ayshi i eshom ma ontolong son si-khato say man-ekad ta manipod nonta kaotik to ingkhato nonta nantawen ni 40 ket epilay. Si Apo Shiyos bengat i timolong son si-khato, si Apo Shiyos i kasapolan ton pasiya say maekhasan.

E. Nan-iyaman sota epilay son Apo Shiyos. (Basaen tayoy verse 8)

Idi nan-akad iyay ya epilay, ekiskhep son Peter tan son John nodta Timplo ja eman-ekaekad tan man-ab-abtok ni iyaman to son Apo Shiyos.

Shi biyag jo waray inkarkararagan jo ja sinongbatan nen Apo Shiyos? Ngantoy deknayo tan dingkhayo? Owen! Edadsak kayo tan nan-iyaman kayo son Apo Shiyos.

Man-im-imdeng tan man-iiyaman iya epilay ja pasiya ta nan-akad ma si-khato. Sigoradoak ja edadsakan si Apo Shiyos son si-khato ta ninemnem ton man-iyaman son Si-khato.

Eg tayo dibkhanan na man-iyaman ni olay son Apo Shiyos shi emin na To kedagdag-a tan i-akan, agdalon eg tayo dibkan na pan-iyamanan sota dingkha nen Apo Jesus, nanda-kam ni digat, etey nem nan-ongal mowan say eg kito meshosa ja mandakam ni digat ni olay shi impiyerno. Si-khato i engikaro ni istay da-kaman tayo ja shosa.

F. Enasshaaw sota ira totoon engasas so niya epilay ni inpan-akad to. (Asen tayoy verse 13)

Emin ira sota totoon engasas so niya epilay ni inpan-akad to tan to kepan-iiyaman ket nasshaaw ira. Inimatonan sha ey si-khato sota kaontongtongaw ni olay nodta Memapteng nga Sakhepan ni Timplo ja mankekkekshaw ni pilak, jet enasshaaw iren pasiya ta eg sha ewatan no ngarantoy edaga son si-khato.

Nem si Peter en-explicar to son si-khara ey aliven si-khara i engipamapteng nontan na epilay no diket si Apo Shiyos ja Shiyos nen Abraham, Isaac, tan si Jacob ja ap-apora. Inekhasan nen Apo Shiyos, say ma- amtaan sha i kina Shiyos nen Jesus ja Anak To.

Conclusion:

Sajay ya storiya piyan nen Apo Shiyos ja ipaamta son si-khatejo ey, sota digat ta mepasamak son si- khatejo waray purpose to: Inges niya epilay, inpalobos nen Apo Shiyos ja sajay i kasesaad to ta piyan Ton osalen say ipaamta To so ni totoo ey sota inngaran nen Peter ja ngaran na Jesus nonta inekhasan To iya epilay ket Shiyos Si-khato ja manakabalin.

Nem aliven no wara bengat i digat ono problima tayo asan tayo ikowan ey waray purpose nen Apo Shiyos shi biyag tayo. Ayshi! Emin kito ja totoo ja aanak, manang, manong, tatang, nanang, lolo tan lola, waray piyan nen Apo Shiyos jen dag-en tayo. Piyan To jen emin kito ja emati, osalen To jen mengikowan so ni eshom ma totoo ni maypangkhep so nen Si-khato tan son Jesus Cristo.

Nganto man iray dag-en tayo, kasapolan tayoy panakabalin nen Apo Shiyos. Inges toy itongpal tayo so ni ikowan ni tatang tan nanang tayo, sota ikowan ni maistara jo, sota pengibingay tayo ni Esel Apo Shiyos so ni eshom, sota pandekha tayo ni mapteng, sota panbasa ni Biblia tan pankararag tayo. Shi pandekha tayo so ira niyay ket kasapolan tayoy tolong nen Apo Shiyos. No si Apo Jesus i tayo kepati-a, waray panakabalin Ton todongan To kito shi emin na dag-en tayo tan digat tayo. Isonga no mankararag kito, emaykowan jen shi ngaran nen Jesus, sajay iray kararag mi. Agsipod ta tayo kepatia ey si Jesus kabedinan Ton itenengan tan songbatan iray kararag tayo.

Memory Verse:

Acts 3:6 Peter said, "I don't have any silver or gold for you. But ... in the name of Jesus Christ, get up and walk!"

Acts 3:6 Peter said, "I don't have any silver or gold for you. But I'll give you what I have. In the name of Jesus Christ, get up and walk!"